



BIBLIOTHECA NAZ.
ROMA
VITTORIO EMANUELE





IVLIVS FELTRI

VS DE RVVERE MISERA 10

TIONE DIVINA EPISCOPVS PRAE-

nestinus, Archiep̃us Rauenñ. S. R. E. 10

Card. Vrbiñ Alma Lauretana Do
mus Protector, & Gubernator,

Eiusdem Alma Domus Locumtenenti nostro

Archipresbitero, alijsq; dignitatibus Ca-

nonicis, Mansionarijs, Clericis, &

reliquis Ministris salutem in

Domino sempiternam.



Bibl. Secv.

Coll. Rom.



Scu

Ancona per Asculphū dē Grandis Veroñ. 1576.

TWENTY FIVE

THE UNIVERSITY OF CHICAGO



QVAMVIS Omnipotenti Deo,
eiusq; Matri Gloriosissima ubiq; lo
corum quodcūq; pī famulatus obse
quiū ab omnibus sit impēdendum;
precipue tamē in Augustissima Lauretana Do
mo, cuius vel parietes ipsi deuotionem, ac religio
nem redolere videntur, id fieri debet: excellentio
riq; modo ab his, qui sese illius seruitio mancipa
runt: quippe qui diuina inibi mysteria, vel assi
due tractantes, vel quouis alio munere fungentes
Ecclesiastica disciplina studio, morum grauitate,
ac vita honestate longe alios præcellere debeant.
Quamobrem quo facilius, & plenius unusquisq;
vestrum eò attingere possit, sciatq; quid sibi potis
simum sit agēdum, quid uē pratermittendum; ut
à vobis eiusmodi seruitus exhibeatur, qua tanti
loci dignitatem, & sanctitatem maxime deceat:
Nos, qui illius regimen, licet immeriti, disponente
Domino, ab Apostolica Sede dudum accepimus;
tantum nostræ salutis monumentum veluti sa
cro sanctas Christi Domini, eiusq; Virginis Ma
tris reliquias dignè, quantum in nobis est, asser
uari, ac in omnibus rectè gubernari enixè curan
tes, prospiciēt esq; id in primis ab ipsarum legum,
loco, & tempore aptarum editione, & obseruan

tia pendere, ad Constitutiones tum veteres, praesertim Fe. mem. Illustrissimi Cardinalis Carpen-
sis prudenter alioquin traditas, pro rerum, & tem-
porum conditione reformandas, vel moderandas,
tum novas ex his, quae vel à Sacro Tridentino
Concilio decreta sunt ad rem facientia, vel alium
de profelici huius Almae Domus regimine sum-
psimus promulgandas, animum adiecimus: ac an-
nuete Deo eiusq; Genitrice semper Virgine Ma-
ria, opus in quatuor partes diuisum, in quarum
prima de ipsius Almae Domus Ministris, in se-
cunda de eorum electione, in tertia de his, quae
ad Diuinum cultum, in quarta, & ultima de his
quae ad vita honestatem pertinent, & absolui-
mus; & vobis proponendum, ac dirigendum me-
ritò duximus. Illud itaq; alacri animo suscipite,
& quacunq; in eo statuta sunt, anterioribus om-
nino postpositis, & abrogatis re ipsa perficite:
Vosq; omnes ita religiosos ostendite; vt tào loco,
& obsequio non indigni nempe videamini; con-
fluentiuq; hominum deuotio, ne dum nullate-
nus minuatur, vel potius quotidie magis amplifi-
cetur, & augeatur. Quod reliquum est, in Domi-
no valete: & preces ad Deum, ipsamq; Virginem
Beatissimam pro nobis iugiter effundite. Dat.

PRIMA PARS CONSTITV- tionum, de Ministris Almae Domus.



VT In aedificijs construendis prater
cos fabros, qui particularia officia
exercent, necesse est Architectum
esse aliquem, qui totius aedificij cu-
ram gerat; quique reliquorum officia pro suo arbi-
tratu emendet, dirigat, & undequaue persici-
at: sic etiam in hac sacrosancta Domo prater
eos, qui particularia munia subeunt, unus ali-
quis esse debet, qui non modo familiae vniuersae
gubernaculum teneat; verum etiam spirituali-
um, & temporalium rerum omnium curam, &
superintendentiam habeat: qui hunc sibi finem
constituat; ut bene gubernetur, conseruetur, &
augeatur quicquid ad huius sanctae Domus emo-
lumentum, ornatum, & religionem pertinet.
Hic autem erit is, qui vices nostras pro tempo-
regeret; cui tanquam nobis ipsis omnes obedienti-
am, amorem, & reuerentiam summo studio de-
ferant; ut ipsorum obsequio, & beneuolentia in-
citatus libentius, ac facilius totius gubernatic-

LAVRETANÆ PARS I.

nis onus sustineat. Is autem se talem exhibeat; ut ab ipso tanq̃ speculo in alto dignitatis gradu constituto, reliqui omnes virtutum, & totius sanctitatis exempla desumant: Nouerit etiam seueritatem suo tempore, & loco cum benignitate miscere: In erratis, delictisue, quibus pro eius arbitrio erunt pœna iniungenda, summarie, simpliciter, & de plano, cum ei opportunum videbitur, procedat: Errores verò, qui inter canendum, legendumue in Choro contigerint, ipse, si aderit, eoq̃, absente dignior de Capitulo corrigat. Curet præterea duas affigi tabulas, vnā quidem, in qua contineatur series festorum mobilium, ac aliorum dierum, quibus solemnia sunt peragenda tam pro diurnis, quam nocturnis Officijs, & Missis celebrandis, alteram verò in quam benefactores huius Alma Ecclesie tam viui, quam defuncti referantur: pro quibus in sacrificijs Missa inseratur oratio. Omnipotens sempiterne Deus, qui viuorum Dominaris. Singulis quoq̃, mensibus duas Missas cantari vnā pro benefactoribus, uiuis, alteram pro defunctis cum responsorijs, qua

CONST. ALMÆ DOMVS

adhibentur indie Commemorationis omnium defunctorum. Seruari præterea Decretum Sanctissimi Domini Nostri, ut tertio quoq; mense duæ Missæ cantentur, tam pro his, qui in superiori tempore quàm, qui in posterum eleemosynas ad Missas pro ipsorum voto celebrandas sunt elargiti, vel elargientur in posterum. quapropter iuxta decreti formam sunt præmonendi, qui ad hunc finem eleemosynas porrigunt: cuius quidem decreti exemplum in tabula vulgari idiomate conscriptum in conspicuo loco teneri debeat; nec minori cura sataget Gubernator, seu Locumtenens, ut Confessarij ad audiendas confessiones expositi bene perspectam casuum conscientiarationem habeant; & ne potestatem, quam non habent, exerceant. Omnes bullam in Cœna Domini in publico loco affixam perlegere, & intelligere teneantur. Beneq; animaduertat Gubernator tantum onus sibi impositum, ut omnium officialium curam sit redditurus: Idcirco vigilantî sollicitudine, & prudenti discretionè, quid unusquisq; in suo officio exequatur, crebrò animaduertat: atq;, ut id fa-

CONST. ALMÆ DOMVS

cilius exequi valeat, præcipuorum officialium partes, atq; omnium cathalogus inferius subiicietur.

C A P V T.

II.

SINT autem in hac Alma Ecclesia tres Clericorum ordines, quo integrum Capitulum constituent, in primo quidem Archipresbiter, Archidiaconus, Præpositus, Decanus, & duodecim Canonici, in secundo duodecim Mansionarij, in postremo duodecim Clerici Chori nuncupati; ex quibus præter illum diuinum cultum, cuius superius meminimus, & ad quem omnes ex officio tenentur, aliqui quotannis ex singulis ordinibus ad varia munera pro Gubernatoris, seu Locumtenentis arbitrio assumuntur; ne tot impensis in externis Ministris alendis hac Sancta Domus grauetur; qui ut suis officijs probè, fungantur, diligenter erit curandum.

LAURETANÆ PARS I.

CAPVT.

III.

TRES itaq; Capella Custodes constituantur, Canonicus, Mansionarius, & Clericus; qui per suas hebdomadas confluyente praesertim populo, ab illius custodia non recedant. Reliqui verò, qui non erunt hebdomadarij, populo minore concurrente, diuinis assistant; quòd si non interfuerint, pro non residentibus punctentur. Et cum hoc sit dignissimum inter omnia huius Ecclesiae officia, summa puritate, & fidelitate illud exerceant. Curent praeterea Custodes; ut tam sacer locus exteriori quoq; munditia, & ornatu semper effulgeat; nec permittant quemq; ingredi eam sanctissima Capella partem, quae est à tergo Altaris, sine Gubernatoris, seu Locumtenentis licentia, nisi spectata nobilitatis, magnaq; auctoritatis homines fuerint, neq; Sacram Communionem in eadem Sanctissima Capella suscipere sine eiusdem licentia.

CONST. ALMÆ DOMVS

CAPVT.

IIII.

TRES item erunt Sacrista ex prædictis ordinibus similiter assumpti; ad quos quidem spectabit curare in primis; ut omnia ad Missæ sacrificium opportuna ea munditia, & puritate in sacrario conseruentur, quæ hanc Dei, & Beatæ Virginis Domum maxime deceant. Ecclesia sacramenta diligenter, & exactè ministrent: Peregrinum sacerdotem, & incognitum ad celebrandum absquæ ordinarij licentia, & literis dimissorijs, ex Conc. Tridentino Decreto non admittant. Dent operam, ut Missæ votivæ, & conuentuales quotidie celebrentur. Præterea, ut congruis horis iuxta temporum varietatem Diuinum officium peragatur: tamen ne processiones, & alia orationes consuetæ prætermittantur: & cum opus fuerit, campana pulsentur. Aduertant præterea diligenter, ne in sacrario confabulationes fiant, quæ sacerdotibus celebraturis molestia, vel impedimento esse possint. Caueant à personarum acceptione; & præcipue ne posterius accedentes

LAVRETANÆ PARS I.

celebrandi causa, eorum qui prius venerunt, locum (necessitate non cogente) praecipare permittant; sed simpliciter, prout quisque accesserit, cum caritate se praparet, & egrediatur. Current etiam, ut Casula, Stola, & Manipulus sint uniformis coloris, atque eius qui temporari conueniat iuxta Missalis noui rubricam tam in priuatis, quam in sollempnibus sacris. Notent praterea, & diligenter quotidie scribant sacerdotum celebrantium nomina; referantque Gubernatori, seu Locum tenenti, utrum dignitates, Canonici, Mansionarij, & reliqui Clerici suo officio defuerint, vel non accedendo ad Ecclesiam, ac in eadem statis diebus celebrando, vel non persistendo in Pœnitentiaria, maxime cum peregrinorum frequentia id exigeret: & demum in omnibus fideles Dei Ministros se exhibeant.

C A P V T.

V.

AD subleuandum verò tantum sacristarum onus, quattuor à Gubernatore eli-

CONST. ALMÆ DOMVS

gantur Clerici sacris initiati, quibus victus ex communi Refectorio, habitatio in arce, ac merces duorum florenorum singulis mensibus unicuique constituitur; peruigilent quoque in iniuncto sibi officio exequendo; praesertim ut summo mane surgentes, campana signo facto alios ad templum exocent. Non desint etiam alij, qui sacerdotibus sacra facturis praesto esse, & inservire possint, ad eum numerum, qui Gubernatori ipsi, vel Locum tenenti pro temporum qualitate opus fore videbitur.

C A P V T.

V. I.

TR E S etiam, eo modo erunt punctatores, videlicet, Canonici, Mansionarius, & Clericus, ut unusquisque eos, qui in quouis ordine defuerint, vel divinis celebrandis, vel confessionibus audiendis dietim punctet. Quod si vel conuiuere, vel negligenter hoc observare comprobati fuerint, ipsi quoque deficientium poena mulcentur.

LAURETANÆ PARS I.

CAPVT. VII.

QVONIAM verò in cæremonijs maximam vim ad excitandam Religionem positam esse experimur; ut homines his adminiculis exterioribus ad rerum diuinarum meditationem extollantur; eligatur Magister cæremoniarum, qui ut suo officio probè fungatur, in diuinorum celebratione, optimè sit versatus, eique omnes in cæremonijs exactissime exequendis diligentissime obsequantur. Neq; aliud cæremoniarum genus obseruetur, præter id quo Capella Sanctissimi Domini Nostri utitur, iuxta seriem Apostolicarum literarum qua super hoc emanarunt, & in Archiuio asseruantur.

CAPVT. VIII.

CHORO autem præficiatur Magister, qui in Ecclesiastico cantu sit benè eruditus; eius officium id erit; ut, quæ in Ecclesia canenda, vel legenda sunt, præuideat, præparet, & proponat; quo promptius recitari, vel can-

CONST. ALMÆ DOMVS

tari possint; Item alios in cantu præibit; ut dissonantia vitentur, Nec non curabit; ut tam Antiphona quàm gradualia, & his similia concorditer, ac rectè cantentur: quo minus audientium aures offendantur. Ad eundemquè spectabit prout opportunum iudicauerit, voces depressas extollere, vel elatas deprimere, easquæ pro suo arbitrio temperare. Idcirco omnes Chori Magistro in his, quæ eius partes erunt, obedire teneantur.

C A P V T.

I X.

CONSTITVATVR præterea Musica Magister, qui non his tantum contentus legibus, quas Trident. Synod. Ecclesie Cantoribus præscripsit; ne intercanendum lascivium, vel impurum aliquid misceretur, meminerit se in ea versari Ecclesia, quæ Angelicis vocibus in Christi Domini, eiusquæ Virginis Matris laudibus resonuit. Ideo (cum commode fieri possit) sit vir Musicæ artis peritissimus, atquæ in Musicis rhythmis, & vocum modula-

LAVRETANÆ PARS I:

tionē diuinas laudes exornet; ut verba non penitus inuolui, aut implicari, sed expresse proferri, & clarè intelligi ab omnibus queant.

CAPVT. X.

QUOD verò de cantu dictum est, id ipsum de Organorum sono statuitur; ut tam Organorum sonus, quam vocum in illis modulatio eiusmodi sit, qua ad pietatem, & religionem audientes excitet, igitur præter organa non adhibeantur alia instrumentorum genera nisi ex causa aliud Gubernatori, seu Locumtenenti videretur.

CAPVT. XI.

AD hanc etiam familiam cum, & famuli dignitatum, & Canonicorum pertinent; præcipimus; ut illorum nemo recipiatur nisi Gubernatori præsentetur, seu Locumtenenti; qui diligenter prospiciat; ut sint iuvenes ætate idonei, honestatis amantes, & ab omni vitio-

CONST. ALMÆ DOMVS

rum labe alieni. Et cum ex huius Almæ Domus impensis sustententur, præter illud modicum obsequium, quod suis dominis exhibent, inseruiant etiam statis temporibus mensa multoque magis altari, & cuicumq; sacra facienti, idcirco habitu clericali utantur; & si qua in re deliquerint, grauiter puniantur. Caueant autem Canonici, ne sub prætextu docendi, vel alterius impensi officij, aliquid ab huiusmodi famulis directe, vel indirecte exigant, vel accipiant.

CAPVT. XII.

ET quoniam in tam magna, & ampla Domino præter prædictos ministros, qui Diuino cultui sunt penitus addicti, multos alios constituere oportet; qui vel externis misericordia operibus, vel alijs quibuscumq; ministerijs præficiantur, ideo præcipimus; ut tam prædicti officiales, quàm reliqui omnes in subiecto catalogo descripti, semper ob oculos habeant; se non mortalibus, sed Deo, eiusq; Genitrici suum obsequium exhibere; quod ut illis gratum, eiusq; salu-

LAVRETANÆ PARS I.

tare futurum sit, summopere cauere debent; ne
vel auaritia, idolorum seruitus, vel impudici-
tia castitatis inimica, vel intestina discordia,
quæ omnium malorum est origo, sua eos labe in-
ficiat, & deturpet, & quidem quod ad auariti-
am, & cupiditatem pertinet; nouerint se Chri-
sti, atq; eius pauperum contrahere bona. Qua-
re sicut illi commendandi sunt, qui ex officio, &
caritate bona distribuunt, ita vehementer re-
prehendendi, & puniendi, qui vel sibi isthac
usurpant; vel certe ubi, quando, & qui-
bus non opus est, eadem largiuntur,
vel quod deterius est, com-
missam sibi substanti-
am ex negligen-
ti cura,
& nulla prorsus animaduersione consumi,
& dissipari permittunt.

CONST. ALMÆ DOMVS
CATALOGVS MINISTRO-
rum huius Alma Domus.

Et primo eorum qui à Gubernatore, seu Locum
tenente ex Capitulo quotannis eliguntur.

- 1 Custodes Capella, Canonicus, Mansiona-
rius, & Clericus.
- 2 Aeditui, siue sacrista, similiter, tres ut præ-
dicti.
- 3 Punctatores in Choro, itidem tres.
- 4 Eleemosynarij, pariter tres.
- 5 Hospitalis prappositi Duo, Canonicus, &
Mansionarius.
- 6 Architriclini, seu Scalchi tres eadem ra-
tione, ut primi.
- 7 Dispensator, vel pœnaria cella præfectus,
vnus.
- 8 Credentiarius, vel Refectorij præfectus,
vnus.
- 9 Rerum custos, seu salua robba, vnus.
- 10 Qui superiorum adium partis curam ge-
rit, vnus.

LAVRETANÆ PARS I.

*Aliorum, qui non sunt ex Capitulo,
nec ita amouentur.*

- 1 *Oeconomus, seu Magister Domus.*
- 2 *Supputator, seu Computista,*
- 3 *Cancellarius, & Archiuji custos:*
- 4 *Prator, siue Potestas.*
- 5 *Medicus Physicus.*
- 6 *Priores Hospitalis.*
- 7 *Architectus cum suis fabris.* (Murarijs.
(Lignarijs.
(Ferrarijs.
- 8 *Factores Duo.*
- 9 *Conseruator Annona:*
- 10 *Dispensator.*
- 11 *Aromatarius.*
- 12 *Chirurgus.*
- 13 *Bombardarius.*
- 14 *Cella vinaria Praefectus.*
- 15 *Equorum stabulo praefectus:*
- 16 *Cæraria officina curam gerentes duo.*
- 17 *Coquus.*

SECUNDA PARS CONSTITVTIONVM.

*De admiſſione, & electione eorum, qui in huius
Alma Domus obſequium aſſumuntur.*



QVONIAM ex his, qua in ſuperioribus ſtatui-
mus, facile vnus-
quiſq; intelliget, quanta morum
grauitate, ſtudiorum diſciplina,
& reliquis animi, corporiſq; dotibus inſignitos
eſſe eos oportet, qui ad tanta Virginis famula-
tum aſſumuntur; idcirco qualitates eligendo-
rum, modumq; eligendi, cum reliquis, qua ele-
ctionem conſequuntur, breuiter decernemus.

CAPVT. I.

QVOD ad aetatem pertinet, cuius ſacri
Canones propter ſacerdotalis officiij digni-
tatem, magnam rationem habuerunt; Nemo
ad dignitates, vel Canonicatus gradus, aſſu-
matur, niſi trigeſimum quintum annum exple-

LAVRETANÆ PARS II.

uerit: Mansionarij verò, trigesimum attigerint. Clerici verò eius sint ætatis, quod ad subdiaconatus ordinem infra sex menses promoueri possint.

CAPVT. II.

HABEANT præterea non modo bonum conscientia testimonium, ne criminosi, vel aliquo delicto notati fuerint; verum etiam his animi virtutibus præditi sint; ut non immerito ad huius Ecclesiæ ministerium assumi possint.

CAPVT. III.

ITEM ea sint præditi scientia quæ ipsorum ordinibus, & ministerijs exercendis sit necessaria. Clerici igitur Chori, quos vocant, latine lingua cognitionem præsertim si in minoribus tantum ordinibus sint constituti; & Christianæ Religionis rudimenta teneant, tantum præterea saltem planum, quem in omnibus huius Ec

CONST. ALMÆ DOMVS

clesiæ Ministris summè necessarium iudicamus, bene calleant, una cum probabili spe, quod ad superiores gradus prouehi aliquando possint. Mansionarij autem præter hac, sacramentorum etiam præsertim pœnitentiæ administrationem, non qualem cumque, sed quæ pro huius loci conditione sit valde conueniens, optime perspectam habeant. Canonici verò, aut saltem duæ prima dignitates, ut reliquis Ecclesiæ Ministris præsto esse possint, maiori scientia, ornatu esse debent. Quapropter sint etiam in aliqua studiorum vniuersitate magistri, & Doctores, aut in sacra theologia licentiati, vel in iure canonico promoti; atq; de his omnibus ætate, moribus, & scientia publicum, & authenticum ordinarij testimonium habeant.

C A P V T. IIII.

CV M igitur Dignitas aliqua, vel Canonicatus, vel Mansionariatus, vel Clericatus vacauerit, ad aliorum nominationem, seu electionem hac ratione procedatur, conuocetur

LAVRETANÆ. PARS II.

capitulum à Governatore, vel Archipresbitero, aut ab antiquiore de Gubernatoris licentia; quam requisitus omnino prestare, & congregationi interesse debeat; ita, ut sufficiat petitio sine impetratione. In dicenda autem sententia ordine, quo sederint, unusquisq; tacentibus aliis, loquatur, & sub arbitraria pœna, abstineant ab omni contentionum, & conuitiorum genere; sed modeste, & benigne, ut sacerdotes decet, loquantur; & sub eadem pœna extra Capitulum nullo modo loqui audeant de his, quæ in eo acta fuerint.

MODVS autem conuocandi erit ad sonum campana, prævia Missa Spiritus Sancti cum orationibus Beata Virginis, & pro fratrum concordia, quæ celebrabitur in eius Capella, præsentibus omnibus; quæ absoluta Gubernator cum omnibus, aut maiori parte Capituli locum ingreditur, ubi dicant Hymnum, Veni Creator Spiritus, cum suis versiculis, & orationibus; quæ in principio, & fine congregationum dici debent. Quibus peractis Guberna-

CONST. ALMÆ DOMVS

tor, vel primus de Capitulo habitus exhortatiuncula proponat breuiter, quæ erunt agenda, & tandem secrete iuxta sacros Canones unusquisq; suffragium suum ferat, præter Gubernatorem qui duo habebit suffragia, & à maiori parte suffragiorum quàm sit dimidia, nominatio, vel electio fiet. Nominatio autem, & electio, ut purius, & sincerius exerceatur, sit quattuor de Capitulo, & totidem extra Capitulum; quorum unum, qui ut supra requisita suffragia habuerit, idoneum repertum ab examinationibus ut infra, confirmabimus. Hic enim modus conuocandi Capitulum, ac in eo procedendi, non solum in electione, quæ præcipue solet tractari, verum etiam in reliquis, quæ capitulari congregatione indigent, & quæ non sine grauissima pœna inter se extra agitare possunt, perpetuo obseruetur. Quicquid autem secus actum fuerit irritum penitus censeatur, atq; nullius momenti. Licebit autem Capitulo quæ legitime tractata, & decreta fuerint per proprium Cancellarium annotare, & registrare; & si quando opus fuerit ad Gubernatorem, vel alios mittere lite-

LAVRETANÆ. PARS II.

ras nomine Capituli proprio sigillo, quod in capsa penes syndicum retinenda, asservari volumus sub tribus clauibus, quarum unam dignior de Capitulo; Secundam ipsemet Syndicus, Tertiam verò Secretarius retinebit, obsignatas, dummodo earumdem exempla semper asserventur.

CAPUT V.

ELECTIONE autem facta necesse erit electum à nobis iuxta Trident. Concil. decreta examinari; idq; fiet coram Gubernatore, vel eius Locumtenente cum altera ex Dignitatibus, & tribus Canonicis, Rectore item Collegij Societatis, aut eo impedito, Lectore cum altero eiusdem Collegij Theologo per ipsum Gubernatorem, seu Locumtenentem, vice quilibet eligendis. Qui quidem omnes diligenti examine de sufficienti doctrina, & necessaria, ut superius diximus scientia, discrete, ac pie inquirent.

CONST. ALMÆ DOMVS

C A P V T V I.

ABSOLVTO autem examine Gubernator cum quattuor prædictis de Capitulo ad plura suffragia de sufficienti eorum, qui examinati fuerint, doctrina syncerè propriam aggrauantes conscientiam prævio iuramento iudicabunt.

C A P V T V I I.

QVIBVS omnibus fideliter peractis publicum per huius Almae Domus Cancellarium conficiatur instrumentum, quod ubi eius exemplum ad nos per Gubernatorem, seu Locumtenentem transmissum fuerit, diligenter unà cum examine, & reliquis actis in Archivio per Cancellarium conservabitur. Nec minori diligentia, & sedulitate curabit; ut instrumenta omnia, contractus, & reliqua scriptura ad hanc Almam Domum, vel Capitulum pertinentes perpetuo custodiantur. Quod, ut facilius præstetur, Archiviij custos spectata, & in

LAVRETANÆ. PARS II.

tegra fidei, qui pro tempore idem poterit esse, qui & Cancellarius, constituatur; Habeat præterea Inuentarium omnium scripturarum; ut persunctus officio omnia integra successorì restituat, & sub gravissima pœna caueat; ne Archetypa, seu originales scriptura etiam data fide, & pignore quomodocumq; extrahantur sine Gubernatoris facultate in scriptis obtenta, omnesq; excommunicationi subijcimus, qui aliquas huius Domus scripturas retinere, aut occultare, & non reuelare præsumperint.

CAPVT VIII.

CONFIRMATIONE, sicut præfertur, habita, & Bullis obtentis beneficij possessio sollemniter, ac iuxta institutum Ecclesiæ capiatur, præmissa tamen professione fidei iuxta Concil. Trident. & formulam fel. record. PII Quarti, quæ talis est videlicet.
EGO. N. Credo, & profiteor omnia, & singula, quæ continentur Symbolo fidei, quo Sancta Romana Ecclesia utitur, videlicet.

CONST. ALMÆ DOMVS

CREDO in unum Deum Patrem omnipotentem, Factorem Cœli, & Terræ, visibillum omnium, & inuisibillum, Et in unum Dominum Iesum Christum Filium Dei unigenitum, & ex patre natum ante omnia secula, Deum de Deo, lumen de lumine, Deum verum de Deo vero, Genitum non factum consubstantialem patri, per quem omnia facta sunt; Qui propter nos homines, & propter nostram salutem descendit de cœlis; Et incarnatus est de Spiritu Sancto ex Maria Virgine; & homo factus est: Crucifixus etiam pro nobis sub Pontio Pilato, Passus, & sepultus est; & resurrexit tertia die secundum scripturas: Et ascendit in Cœlum, sedet ad dexteram patris; & iterum venturus est cum gloria iudicare viuos, & mortuos: cuius regni non erit finis. Et in Spiritum Sanctum dominum, & viuificantem, qui ex patre filioq, procedit; qui cum Patre, & Filio simul adoratur, & conglorificatur; qui locutus est per prophetas; & unam sanctam catholicam, & Apostolicam Ecclesiam. Confiteor unum Baptisma in remissionem peccatorum; & expecto re-

LAVRETANÆ. PARS II.

surrectionem mortuorum, & vitam venturi seculi. Amen.

APOSTOLICAS, & Ecclesiasticas traditiones, reliquasq; eiusdem Ecclesie, observationes, & constitutiones firmissime admitto, & amplector. Item sacram scripturam iuxta eum sensum, quem tenuit, & tenet sancta Mater Ecclesia, cuius est iudicare de vero sensu, & in interpretatione sacrarum scripturarum admitto; nec eam unq; nisi iuxta unanimem consensum Patrum, accipiam, & interpretabor.

PROFITEOR quoq; septem esse vere, & proprie sacramenta nouæ legis à Iesu Christo Domino nostro instituta, atq; ad salutem humani generis (licet non omnia singulis) necessaria scilicet Baptismum, Confirmationem, Eucharistiam, Pœnitentiam, Extremam unctionem, Ordinem, & Matrimonium: Illaq; gratiam conferre: & ex his Baptismum, Confirmationem, & Ordinem, sine sacrilegio reiterari non posse.

RECEPTOS quoq; & approbatos Ecclesie Catholica ritus, in supradictorum omni-

CONST. ALMÆ DOMVS

in sacramentorum sollempni administratione recipio, & admitto. Omnia, & singula, qua de peccato originali, & de iustificatione in sacrosancta Trident. Synod. definita, & declarata fuerunt, Amplector, & recipio.

PROFITEOR pariter in Missa offerri Deo, verum, proprium, & propitiatorium sacrificium pro viuis, & defunctis: Atq; in sanctissimo Eucharistia sacramento esse verè, realiter, & substantialiter corpus, & sanguinem unà cum anima, & diuinitate Domini Nostri **IESV CHRISTI**; fieriq; conuersionem totius substantia panis in corpus, & totius substantia vini in sanguinem: quam conuersionem catholica Ecclesia transubstantiationem appellat.

FATEOR etiam sub altera tantum specie totum, atq; integrum Christum, verumq; sacramentum sumi.

CONSTANTER teneo Purgatorium esse, animasq; ibi detentas, fidelium suffragijs iuari; similiter, & Sanctos unà cum **CHRISTO** regnantes venerandos, atq; inuocandos

LAVRETANÆ. PARS III.

esse, eosq; orationes Deo pro nobis offert, atq; eorum reliquias esse venerandas.

FIRMITER, assero imagines Christi, atq; Deiparae semper Virginis, nec non aliorum sanctorum habendas, & retinendas esse; atq; eis debitum honorem, ac venerationem impartendam; Indulgentiarum etiam potestatem à Christo in Ecclesia relictam fuisse; illarumq; usum Christiano populo maxime salutarem esse affirmo.

SANCTAM Catholicam, & Apostolicam Romanam Ecclesiam omnium Ecclesiarum Matrem, & Magistram agnosco: Romanoq; Pontifici; Beati Petri Apostolorum principis successori, ac Iesu Christi Vicario veram obedientiam spondeo, ac iuro: Cetera item omnia à sacris Canonibus, & Oecumenicis Concil. ac præcipue à sacrosancta Trident. Synodo tradita, definita, & declarata indubitanter recipio, atq; profiteor: Simulq; contraria omnia, atq; hereses quascumq; ab Ecclesia damnatas, & reiectas, & anathematizatas, ego pariter damno, reijcio, & anathematizo.

CONST. ALM.E DOMVS

HANC veram Catholicam fidem, extra
quam nemo saluus esse potest, quam in presenti
sponte profiteor, & veraciter teneo: Eandem in-
tegram, & immaculatam, usque ad ex-
tremum vita spiritum, constantis-
sime Deo adiuuante, retine-
re, confiteri, atq; à me-
is subditis, vel
illis, quo-
rum

cura ad me in meo munere spectabit,
teneri, doceri, & pradicari
quantum in me erit,
curaturum.



LAVRETANÆ. PARS III:
TERTIA PARS CONSTI-
TUTIONVM.

*De his, quæ ad diuinum cul-
tum pertinent.*

CAPVT I.



*VM inter omnes vitæ huius exer-
citationes præstantissima ea sit, quæ
instar beatorum spirituum diuinas
laudes canendo, & psallendo per-
soluimus: pro viribus enitendum omnibus erit;
vt cælestis etiam patriæ facies quadam præsefe-
ratur. Idcirco mandamus; vt Dignitates, Ca-
nonici, Mansionarij, Clericiq; omnes in diui-
no officio persoluendo præter illam animi purita-
tem, religiosam attentionem, & sinceram pie-
tatem, quæ interius coram omnipotenti Deo as-
sistere debent, vehementer caueant, ne quid in-
decorum, impolitum, aut à diuinis laudibus a-
lienum acta, vel signo efficiant. Propterea fu-
giant prapropere in pronunciando celerita-*

CONST. ALMÆ DOMVS

tem, qua vel syllaba intercipi, vel verba cœsim,
Et non integrè proferri solent. Euitent etiam
ne difformitate vocum, qua nihil est indecenti-
us, extra aliorum tonos, Et modulos, diuagentur;
Et quod absurdus est; ne rideant, ridendi uè ali-
is occasiones prebeant. Abstineant q̃, à mutu-
is colloquijs, alijsq̃, rebus tractandis, ne iure di-
ci possit: Populus hic labijs me honorat, cor au-
tem eorum longè est à me: immo verò sic se totos
interius, exteriusq̃, componant; ut præsentem
Deum, eiusq̃, Virginem Matrem, Et assiste-
ntes angelos, intueri videantur.

CAPVT II.

QVONIAM vero in diuinarum re-
rum celebratione, illi maxime coram Deo,
Et hominibus proficiunt, qui benè affecti animi
propensione, Et non quasi vi coacti dignum Deo
famulatum exhibent: hylarem enim Datorem
diligat Deus; Præcipimus; ut qui statis horis
diuinis non interfuerint; atq̃, in proprijs locis
non resederint, iuxta sacrorum Canonum di-

LAVRETANÆ. PARS III.

positionem, punctentur: Et in portionibus unumquemq, tangentibus pro punctorum numero, nulla penitus facta indulgentia plectantur, tunc autem diuinis aliquis interfuisse, Et residenti-
am fecisse à nobis declaratur; si ad Canonicas quidem horas, Et matutinum, antequam postremus Hymni versiculus expleatur; ad Vesperas autem, Et Completorium ante primi psalmi finem; Missa verò demum quis interesse dicatur, si ante finem primi (Kyrie) aduenerit; alioquin tanquam non residens habeatur. Idemq, censendum est de eo; qui nulla cogente causa, ante Salve Regina, vel similem Antiphonam recesserit, vel ex uno in alterum Chorum sine præfecti licentia transferit.

CAPVT III.

VT autem diuina sapientia, quæ habitare in consilijs, Et eruditis interesse cogitationibus à Salomone predicatur, corda preparantur, præter illud pietatis, Et reuerentia studium, quo diuina impensius sunt prosequenda, diligen-

CONST. ALMÆ DOMVS

ter unusquisqꝫ apud se anteuertere debet, quæ publicè agere, vel recitare oportebit. Præuideant ergo Missas, Euangelia, Epistolas, Lectiones, & reliqua omnia præmature perlegant, ne imparati accedant: & inter legendum, canendumuè errores comittant. Assistant Gubernatori, vel alteri rem sacram facienti, vel diuina celebranti, qui iuxta tabula seriem descripti fuerint, alia verò quæ agenda sunt, ea, quæ decet modestia, & grauitate tractent.

C A P V T I I I I.

QUIA ad progressum in virtutibus faciendum, & ad totius Ecclesiæ singulare subsidium nullum maius à Christo Domino in hac mortalitate gratiæ monumentum relictum est, quam sacrosancta Eucharistia, quæ à bona gratia nomen accepit, & sacramentum, & sacrificium; constanter præcipimus; vt, qui huius Ecclesiæ dignitate aliqua sunt insigniti, frequentissimè rem sacram faciant, salua cuiusqꝫ ex ipsius Ecclesiæ instituto celebrandi obligatione.

LAVRETANÆ. PARS III.

Qui autem sacerdotes simplices sunt, iuxta sacri Trident. Concil. Decretum, Dominicis saltem, atq; alijs festis diebus omnino celebrare non desistant. Diaconi verò, & Subdiaconi, prima saltem cuiusquè mensis Dominica communicent, nisi sollemnit as aliqua ex infra scriptis per mensem obtigerit. Ceteri autem omnes, tam qui minoribus ordinibus sunt initiati, quàm qui Clericalem induti habitum ex proprij officij munere incedunt, his præcipue diebus, una omnes Eucharistia sacramentum sument. Natiuitatis Domini, Iouis sancti, Pentecostes, Beatorum Apostolorum Petri, & Pauli, Omnium Sanctorum, Annunciationis, Assumptionis, & Natiuitatis Beatae Mariae semper Virginis. Ministri, & Laici quicumq; quater, ut minimum quotannis communicent, videlicet in Paschate, in Natiuitate Domini, ac sollemnitatibus Assumptionis, & Natiuitatis Beatae Virginis, ut puriori affectu Dei Genitrici suum famulatum exhibeant.

CONST. ALMÆ DOMVS

C A P V T V.

OBSEVENT Nihilominus omnes ordinem in tabula præscriptum, ut, Et si frequentius celebrare, statis tamen diebus à re sacra facienda nullo modo abstinere debeant. Quamobrem statuimus; ut omnes, qui intra huius Ecclesiæ Capitulum continentur, pro benefactoribus missas celebrent; nec Peregrinorum sacerdotum, quamuis cateruatim huc confluentium, eorumq; nomine celebrare cupientium excusationem prætereundere possint: cum ex sacri Trident. Concil. decreto, ministri omnes in Ecclesia per se ipsos sua munia obire debeant.

C A P V T V I.

SACRVM itaq; facturus sacerdos nullis peregrinis ceremoniis utatur, sed iis dumtaxat, quæ ab Ecclesia sunt comprobata, nihil addendo, vel immutando ex his, quæ in cuiusq; diei præscripto continentur. Vnde Missa ordinarium bene calleat, Et recta inter legendum pro-

LAVRETANÆ. PARS III:

nunciatione utatur, ut ex interna eius, & externa compositione astantium, & intuentium animi ad Deum ipsum laudandum magis excitentur.

CAPVT VII.

SACERDOTVM verò ministri, qui totius populi vicem gerunt tanta debent reuerentia assistere, tantaq; modestia in suo officio deservire; ut instar leuitæ Stephani Angelicum vultum præferre videantur. Idcirco vrantur superpelliceis, modeſte submittant oculos, non circumquaq; eos vertentes, & ab omni leuitate, quæ astantium oculos offendere posset, omnino abstineant.

CAPVT VIII.

CVM verò maledictus ille homo dicatur, qui facit opus Dei negligenter, satagant, omnes, qua possunt sedulitate; ut cum primum ad sacra, vel facienda, vel ministranda euoca-

CONST. ALMÆ DOMVS

ti fuerint, nulla interiecta morâ separatos, & omnino expeditos exhibeant: nec sub pretextu cuiuscumq; negocij ab iniuncto sibi officio retardentur.

C A P V T I X.

EADEM ratione summopere conuenit; *ut paterna caritate, atq; animi latitia cum gravitate mista peregrinos omnes excipiant ad pœnitentiæ sacramentum humiliter accedentes, atq; ut tanto officio liberius vacare possint, studeant; ut sollemnibus saltem diebus ab omni alia cura vacui reperiantur; & in propria sede consistentes, velut angeli pacis, accedentes peccatores Christo Deo, ac Domino nostro reconcilient. Nemo autem sine speciali Gubernatoris, vel Locumtenentis facultate (licet quicumq; dignitate fulgeat) in alia pia opera commutare, aut cum his dispensare possit, qui, vel huic Domui deservire, vel quicquàm tribuere voto, aut quavis obligatione se obstrinxerunt.*

LAVRETANÆ. PARS III.

CAPVT X.

CVM verò, ut inquit Salomon, *Amictus corporis, & risus dentium, & ingressus hominis enuncient de illo: precipimus; ut omnes in dignitate constituti, Canonici, Mansionarij, & Clerici, illi super pelliceis, & almutijs, Clerici verò super pelliceis tantum tam in diuinis celebrandis, quàm in confessionibus audiendis, in Choroq; existentibus semper utantur; caueantq;, ne in Ecclesia, qua domus orationis dicitur, deambulationes, confabulationes, aut alia, qua ad rem non pertinent, intermisceant: immo verò diuinorum officiorum, Canonicis, & sacra Lectionis tempore suo exemplo, ita alios praeire debeant; ut rudes, & Peregrini ex ipsorum intuitu ad melioris vitae frugem conuersi cum maxima adificatione ad propria reuertantur.*



CONST. ALMÆ DOMVS
QVARTA PARS CONSTI-
TUTIONVM.

De vita, & honestate Clericorum.

C A P V T I.



QVONIAM sine mutua cari-
tate, quæ est vinculum perfectio-
nis, nulla congregatio in suo robo-
re diu persistit, aut in honesta disci-
plina se continere potest: Idcirco præcipimus;
ut omnes cuiuscumq; sint gradus, vel ordinis, di-
ligenter caveant ab his omnibus, quæ vel chari-
tatem, minuere, vel proximis offensam dare
possent; Atq; ut ad specialia descendamus;
detractionem, murmurationem, & susurratio-
nem, ut execrandas pestes fugiant, & insecten-
tur: nec aliquando patiantur; ut in hoc conuen-
tu, tanquàm in fertili Domini agro inimicus
homo superseminet zizania. Multoq; magis
detestari debent conuenticula, coniurationes, &
factiones, quibus vel inter seipsos conspirare, vel

LAVRETANÆ. PARS IIII.

in alterius invidiam, & perniciem concurrere videantur. Et quod omnium est maxime detestandum, abstineant ab omni opprobriorum genere, ab iniurijs, à maledictis, à libellis famosis; & ab omni contentione, nemini dantes ullam offensionem, ut non vituperetur cuiusquam ministerium, si quis autem, quod Deus avertat, semel, atq; iterum in aliquo istorum deliquerit, mulctetur pecuniaria pœna pro Gubernatoris arbitrio; si verò non resipuerit, nec emendationis spes subsit, ipsius Gubernatoris arbitrio ab officio suspendatur.

CAPVT II.

IVRAMENTA, quæ alijs sunt interdicta, sibi magis prohibita esse intelligant, praesertim verò blasphemias, ne illud Prophetæ dictum adimpleatur in eis; Sacerdotes Dei contaminant sancta, & reprobant legem. Delinquentes verò pœnas luent; prout in Bulla Pij V. quam in hoc servuari mandamus.

CONST. ALMÆ DOMVS

C A P V T III.

SI quis huius Alma Domus bona furtim su-
stulerit; vel eorum administrationem parum
fideliter exercuerit, siue prodigaliter dilapidan-
do, siue iniuste detinendo; prater illas pœnas,
quas iura describunt, quibus unumquemq; su-
biectum esse volumus, ipso facto sit infamis; &
quacumq; dignitate Beneficio, & officio priue-
tur.

C A P V T IIII.

CVM sacerdotibus illa verba potissimum
dicantur: Mundamini, qui fertis vasa
Domini, ita honestati, & castitati deservire de-
bent; ut nullam quidem infamia, vel turpitudi-
nis notam contrahere possint. Quapropter ab
omni mulierum praesertim suspectarum consue-
tudine, & familiaritate abstineant; neq; patian-
tur sanguine iunctas, etiam si mater, & soror
fuerint, sine speciali Gubernatoris licentia suas
habitationes ingredi: alias si semel in hoc deliquis-

LAVRETANÆ. PARS IIII.

se comprobentur, pœna decem aureorum subiacent: quod si iterum in id prolapsi fuerint pœna duplicetur: rursus verò delinquentes ab officio Gubernatoris arbitrio suspendantur.

CAPVT V.

ET quoniam, qui male agit, odit lucem; præcipimus; ut si quis ex Clero nocturnum, sine causa, vel minusq; honesta, & rationabili vagari compertus fuerit, puniatur, pro Gubernatoris arbitrio. At si (quod peius est) canendo, vel musica instrumenta pulsando nocturno tempore ambulauerit, primo quidem soluet decem aureos, secundo verò beneficio, & loco priuabitur.

CAPVT VI.

ALAVRETI confinibus non longius duobus circiter milliaribus absq; Gubernatoris licentia abesse licebit, non autem pernoctare. At si quis extra Oppidum pernoctauerit,

CONST. ALMÆ DOMVS

pro primo errato decem florenorum pœna subi-
ciatur: pro secundo verò duplicetur pœna: pro
tertio demum, beneficio, & officio priuetur.

CAPVT VII.

TAXILLORVM, seu Tesserra-
rum, alearum, seu pictarum pagellarum
lusus, & alios quoscumq; à sacris canonibus im-
probatos, ita sibi prohibitos esse intelligant; ut
ne spectatores quidem huiusmodi ludorum esse
possint, alios verò lusus à iure permittos, ubi, &
quando offensionis causa oriri posset, nullo mo-
do usurpent. Et quod de ludis dicimus, in cho-
reis etiam laruis, & alijs leuitatibus indignis sa-
cerdotij nomine, locum habere, volumus, ut pro
Gubernatoris arbitrio errantes puniantur.

CAPVT VIII.

CAVPONAS, seu Tabernas ibi exi-
stentes in quibus comestationibus, & luxu
bus obsceni homines solent incumbere, omnino

LAVRETANÆ. PARS IIII.

ne adeant, honesta necessitate non cogente, mul-
tæ minus inibi comedant: alioquin arbitrio
Gubernatoris severissime punientur.

C A P V T IX.

ET quia, ut ait Apostolus, Arma mili-
tia nostra non carnalia sunt; in carne enim
ambulantes non secundum carnem militamus:
precipimus; ut arma siue ad offendendum, siue
ad defendendum parata, non obtenta à Guber-
natore licentia, ex urgente tantummodo causa
concedenda per Oppidum Lauretanum non de-
ferant, Clerici precipue in sacris constituti nul-
lo pacto deferant, nisi per loca minus tuta iter ha-
berent, in obediens pro Gubernatoris senten-
tia severissime plectantur, ea semper circum spe-
ctione adhibita; ut noctis causa pœna duplicetur,
& aggrauetur.



CONST. ALMÆ DOMVS

C A P V T X.

VENATIONEM quoq, contra sacrorum canonum formam Clerici minime exerçant: ab illicitisq, artibus, & abiectis officijs, quibus vel sacerdotis dignitas deturparetur, vel certe à proprijs studijs, & exercitationibus Clerici deturbarentur penitus abstineant.

C A P V T XI.

IN Refectionis loco, qui Religiosorum more, refectorij, magisq, Tinelli nomen retinere debet: & ad quem omnes dato signo mane, & vesperi, accedere, & unà, comedere obligantur, nisi aliquibus propter ingrauescentem aetatem vesperi hyemali tempore dispensandum Gubernatori, seu Locumtenenti videretur; & ex indulgentia omnibus pro sua voluntate bis in hebdomada extra Refectorium comedere licebit. Meminerint iuxta Trident. Concil. Decretum, frugalitatis, modestia, & continentia, & ne tali loco se indignos efficiant. Caueant

LAVRETANÆ. PARS IIII.

summopere à querelis, & murmurationibus, quæ de epulis oriri possunt. Regnum enim Dei non est esca, & potus, immo diligenter curent; ut cum silentio, dum corpus edendo reficitur, sua etiam animo spiritualis refectio ex lectione, quæ tunc temporis habetur, tribuatur.

CAPVT XII.

PRÆTER ieiunia, quæ ex Ecclesia instituto omnibus sunt indicta, quæque ab huius Ecclesiæ Clericis summa religione, & obseruantia custodiri debent, mandamus; ut Beatissima Dei Genitricis præcipue venerationis gratia singulis hebdomadis certa dies, in qua Annuntiationis anniuersaria sollemnitates contigerit, obseruetur. Quæ die ab esu carniū, ouorum, casei, & lactis omnino abstineant; licet ieiunare non teneantur.

CONST. ALMÆ DOMVS

CAPVT XIII.

QVONIAM verò huius loci continui labores, atq; àëris, situsq; insalubritas, si ne aliquo vacationis tempore, homines diu vivere non permittent; indulgemus; ut cuique pro suo arbitratu liberum sit e duobus anni temporibus partem suam habere in qua ab omni labore feriatius esse possit. Primum itaq; tempus vacationis erit, ab octaua Epiphaniæ, usq; ad primam quadragesimæ Diem: Secundum verò ab octaua Corporis Christi, usq; ad primam diem Septembris; Et tunc temporis ex Gubernatoris licentia, quam liberè petentibus concedet, poterunt recedere. Aegrotis autem ex consilio Medici facilius hæc licentia concedatur. Et quousq; conualuerint pro residentibus habeantur, dummodo fidem illius Medici à quo curati fuerint, authenticam, Et iuramento firmatam secum referant.

LAVRETANÆ. PARS IIII.

CAPVT XIII.

ET postquàm hac Alma Domus omnia su-
pellectilia in communem conuictum neces-
saria abundanter subministrat : precipimus ; ne
ex rebus huiusmodi quisq̃ in priuatum vsum a-
liquid vsurpare possit , etiam si leuissimum sit ,
vt scutella stamnea , Phiala , mantilia , & cete-
ra omnia similia , quæ si ultra biduum , sine Re-
fectorij Præfecti facultate apud se retinuerit , ve-
luti furti reus puniatur .

CAPVT XV.

ATQVE , vt facilius Clerici huius Eccle-
sia obsequio sint addicti , liberam illis ex po-
testate nobis concessa , prout in Breui , siue Bul-
la desuper emanata , facultatem facimus testan-
di , seu disponendi tam inter viuos , quàm causa
mortis de omnibus , & singulis bonis , quæ eis im-
pertito huic Ecclesie famulatu acquisiuerunt ;
quin immo portionibus , seu mercedibus non ad
huc ab ipsa Alma Domo exactis ius succeden-

CONST. ALMÆ DOMVS

di his, qui ab intestato succederent, libere damus, quibus tamen deficientibus Ecclesia ipsa succedat.

CAPVT XVI.

CVM ad internam morum honestatem declarandam externi habitus decor plurimum conferat: precipimus; ut non modo in sacris constituti, verum etiam minoribus ordinibus initiati, si Clericali privilegio potiri volunt, deferant honestum habitum suo ordini congruentem: quod ut planius explicemus, mandamus; ut sericas vestes nullo modo deferant. Inferiores verò toga, quæ subtana vulgò apellantur ab omnibus de Capitulo ad talos usq³ protensa deferantur. Alijs verò Clericis ob paupertatem licebit huiusmodi vestes ad genua tantis productas habere. Indulgemus tamen; ut pro itinere conficiendo breuibus vestibus utantur, modo à Clericali honestate non abhorreant, sit autem vestium color omnino niger Caligæ prater ea Clericorum non sint inflatæ, vel incisæ, aut elegan-

LAVRETANÆ. PARS IIII.

tiori arte elaborata. Sint etiam calcei, & crepida simplices, non incisa, nec sericea. Subuculas autem, vel camisias habeant nulla in parte exteriori crispatas, seu latucatas, aut aliquo studio perpolitas. Pileos Clerici non gerant intra Ecclesiam, nec nisi necessitatis tempore, qui simplices esse debent, non acuti, siue turbinati, subireta sint, & ipsa simplicia, & honesta, & dum Missæ sacrificium celebratur, semper deponentur. Clerici anulos non deferant, nisi id dignitas postulet. Atque, si contra huiusmodi vestitus decorum aliquis deliquerit, præter rerum in quibus peccauerit ammissionem, Gubernatoris iudicio pro modo culpa puniatur.

C A P V T X V I I.

OMNES præterea sacris ordinibus initiati, iuxta sui ordinis gradum, tonsuram conspicuam, vel Clericalem capitis coronam continue gerant. Sacerdotes verò barbam non nutriant: sed à superiori labro ita detonsam, & in alijs suis partibus aptatam semper habeant, ut

CONST. ALMÆ DOMVS

summentibus Christi corpus, & sanguinem, sanctissimum nullatenus sit impedimento.

C A P V T X V I I I.

QVONIAM verò teste Salomone, audiens sapiens sapientior erit, & intelligens gubernacula possidebit: volumus; ut lectionibus publicis theologicis, quæ in Ecclesia leguntur, omnes interesse debeant, eumq; fructum percipere laborent, quem in examinatione Gubernator deinde animaduertet. Confessarij verò qui ad omnium confessionis excipiendas sunt expositi, moralium questionum rationem, & conscientia difficultatum solutionem perspectam habere debent; pro sua virili nitantur; ut quotidiana in hac cognitione proficiant; ne forte id ipsum negligentes, & alijs, & sibi sint detrimento.

C A P V T X I X.

MAXIMÆ expedit, immo necesse; ut Ministris huius, ad quod velut ad to-

LAVRETANÆ. PARS IIII

tius orbis asylum ex omni terrarum plaga pro sua salutis tutela, homines confugiunt: sint viri non solum ab omni criminis specie, & suspicione liberi, verum etiam prudentes, docti, & pii; ut prudentia cautelam, doctrina medelam, pietate verò salutem tam vario, rudi, & infirmo hominum generi pro viribus subministrent. Quapropter offensiones Peregrinis exhibitas Gubernator seuerissime, & pro delicti gravitate puniat, & ad abolendam omnem flagitij formam, unde alijs iusta offensionis causa oriri posset, pramia etiam delatoribus persolventur.

C A P V T X X.

DENIQUE præter ea, quæ hætenus dicta sunt, volumus; ut quæcumq; generaliter ex sacris Canonibus, generalibus Concilijs, vel Apostolicis ordinationibus, ad Clericorum vitam, & honestatem pertinentia, sancita sunt, speciatim à nostris Clericis observari sub pœnis in eisdem contentis; quas sacri Trid. Conc. auctoritate instauramus. Meminerintq; Cleri-

ci omnes nihil esse, quod magis alios ad pietatem,
Et Dei cultum instruat, quam eorum vitam, Et
exemplum, qui se diuino ministerio miciparunt.
Et propterea ita mores suos, Et vitam compone-
re studeant; ut eorum actiones cunctis venera-
tionem asferre possint; Et precipue Peregrinis,
qui bene adificati ex hoc loco recedentes, bonum
ipsorum odorem ubiq, diffundant.

HARVM omnium constitutionum lectio
in Refectorio tertio quoq, Mense habeatur; ne
per humana fragilitatis conditionem, vel è me-
moria excidant, vel minus prompte (cum opus
fuerit) in praxim exeant: atq, ut Constitutio-
nes magis unicuiq, familiares reddantur, sin-
guli studeant earum exemplar apud se retinere;
ut eas opere exequi, Et factis adimplere possint;
ad Dei Opt. Max. laudem, ac Beatissima eius
Virginis Matris gloriam sempiternam. Amen.

^s ^{lis} ^s ^{tor} ^{us}
IV. CARD. VRBIN. GVB. PER P.

Datū Laureti, die 22. Nouembris. 1575.

INDEX EORVM QVÆ IN
hoc libro continentur.

*Illustriss. ac Reuerendiss. Cardinalis Alma Do-
mus Lauretana Protectoris, ad omnes huius
Ecclesie Ministros, Epistola:*

CONSTITVTIONVM PRIMÆ
partis capita:

DE MINISTRIS ALMÆ
domus.



- E* Locumtenente, seu Guberna-
tore Alma domus. cap. 1.
De Capitulo in uniuerso, & ex
quibus constet. cap. 2.
De Capella Custodibus. cap. 3.
De Sacristis, seu Aedituis. cap. 4.
De quatuor ministris Sacristie. cap. 5.
De punctatoribus. cap. 6.
De Ceremoniarum Magistro. cap. 7.
De Chori Magistro. cap. 8.
De Musica Magistro. cap. 9.
De Organorum, & Vocum sono. cap. 10.
De dignitatũ, & Canonicorũ famulis. cap. 11.
De Alma Domus Ministris. cap. 12.

CONSTITVTIONVM SECVN-

da partis capita :

DE ADMISSIONE, ET

electione eorum, qui in huius Alma
Domus obsequium assumuntur.



E Singulorum huic Ecclesia inser-
uientium aetate. cap. 1.

De eorundem fama. cap. 2.

De eorundem scientia. cap. 3.

De modo conuocandi Capitulum,

Et in eo sententiam dicendi in
electionibus.

cap. 4.

De eligendorum examine.

cap. 5.

De approbando examinato ad plu-
ra suffragia.

cap. 6.

De instrumento publico confici-
endo pro his, qui in Capitulum
assumuntur.

cap. 7.

De fidei professione profitenda.

cap. 8.



CONSTITVTIONVM TER-
tia partis Capita.

DE HIS QVÆ AD DIVINVM
Cultum pertinent.



E Diuino officio in Cho-
ro recitando. cap. 1.

*De ijs punctandis, qui
diuino officio, & Missa
non intersunt.* cap. 2.

*De preparatione ad diuina officia exe-
quenda.* cap. 3.

*De tempore quo Alma Domus Mi-
nistri sacramenta sumere tenentur.* cap. 4.

Vt quisq; suo stato tempore celebret. cap. 5.

De proprijs Ecclesie ceremonijs vtēdo. cap. 6.

*De modestia in officio singulorum ser-
uanda.* cap. 7.

*De preparatione ad sacra obsequia ob-
eunda.* cap. 8.

*De Confessionibus audiendis, & de
non commutandis, seu dispensan-
dis votis huic Ecclesie factis.* cap. 9.

De superpellicijs, & almutijs vtendo. cap. 10.

CONSTITVTIONVM QVAR-
te partis Capita.

DE VITA ET HONESTATE
Clericorum.



E charitate adinuicem seruan-
da. Cap. 1.

De iuramentis, & blasphemijs
euitandis. cap. 2.

De non furtim surripiendo, seu dilapidando,
aut iniuste retinendo huius Alma Domus
bona. cap. 3.

De castitate tuenda, & sceminarum con-
suetudine fugienda. cap. 4.

Ne quis ex Clero noctu diuagetur. cap. 5.

Ne quis à Lauretanis consimibus ad duo
miliaria, sine facultate abscedat. cap. 6.

Ne prohibitis ludis utantur, nec ysdem
assistant. cap. 7.

Ne, nisi urgente necessitate, Cauponas,
seu Tabernas adeant. cap. 8.

De non gestandis armis. cap. 9.

De venationibus prohibitis euitandis. cap. 10.

Vt vnà in Refectorio, seu Tinello ci-
bum sumant. cap. 11.